

ՀՀ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ  
ՆԱԽԱՐԱՐՈՒԹՅՈՒՆ  
«ԳՅՈՒՄՐՈՒ ՏՆՏԵՍԱԳԻՏԱԿԱՆ ՎԱՐԺԱՐԱՆ» ՊՈԱԿ

# ՀԵՏԱԶՈՏԱԿԱՆ ԱՇԽԱՏԱՆՔ

ԱՏԵՍՏԱՎՈՐՄԱՆ ԵՆԹԱԿԱ ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ  
ԴԱՄԸՆԹԱՑ 2022

Թեմա՝ ԱՐՑԱԽՅԱՆ ՀԱՐՑԻ ԾԱԳՈՒՄՆ ՈՒ ՀԻՄՆԱԽՆԴԻՐԸ  
(ԱՐՑԱԽՅԱՆ ԳՈՅԱՄԱՐՏԸ 1988-1994ԹԹ)

Առարկա՝

Պատմություն

Ուսուցչուհի՝

Սիրանուշ Հարությունյան

Ղեկավար՝

Արմեն Հայրապետյան

# ԲՈՎԱՆԴԱԿՈՒԹՅՈՒՆ

|   |    |
|---|----|
| ՆԵՐԱԾՈՒԹՅՈՒՆ.....   | 3  |
| ԳԼՈՒԽ ԱՌԱՋԻՆ .....  | 4  |
| ԱՐՑԱԽՅԱՆ ՀԱՐՑԻ ԾԱԳՈՒՄԸ ԵՎ ՀԻՄՆԱԽՆԴԻՐՆԵՐԸ .....                                      | 4  |
| 1.1. Արցախյան հարցի ծագումը .....   | 4  |
| 1.2. Արցախյան շարժման սկզբնավորումը: .....  | 5  |
| 1.3. Շարժման վերաճումը համազգային պայքարի.....                                      | 6  |
| ԳԼՈՒԽ ԵՐԿՐՈՐԴ.....  | 8  |
| ՌԱԶՄԱԿԱՆ ԳԵՐԾՈՂՈՒԹՅՈՒՆՆԵՐԸ 1988-1994 ԹՎԱԿԱՆՆԵՐԻՆ .....                              | 8  |
| 2.1. Զինված ընդհարումներից մինչև անկախացում /1990թ.մայիս-1991թ.<br>սեպտեմբեր/ ..... | 8  |
| 2.2. Լեռնային Ղարաբաղի անկախության հռչակումը: Պատերազմի սկիզբը:.....                | 10 |
| 2.3. Բեկում ռազմաճակատում 1993 թվական: Պատերազմի ավարտը.....                        | 15 |
| 2.4. 1994 թվականի մայիսի 12-ի զինադադարը .....                                      | 18 |
| ԵԶՐԱԿԱՑՈՒԹՅՈՒՆ.....   | 18 |
| ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ .....   | 20 |

## ՆԵՐԱԾՈՒԹՅՈՒՆ

**Թեմայի արդիականությունը:** Արցախյան ազատագրական պայքարն ադրբեջանական կողմի պարտադրանքով զինված հակամարտության վերածվելու նախադրյալների բազմակողմանի ուսումնասիրությունը, արցախյան հերոսական պայքարին գործուն մասնակցություն ունեցած ինքնապաշտպանական ջոկատների, կանոնավոր բանակի գործողությունները, նրանց հաղթանակների ու պարտությունների օբյեկտիվ և սուբյեկտիվ պատճառների գիտական հետազոտությունը հայ պատմագրության կարևոր խնդիրներից են: Թեման արդիական մեծ հնչեղություն ու կարևորություն ունի, քանի որ ուսումնասիրվող ժամանակաշրջանում պաշտպանական ուժերի մասին ոչ բոլոր փաստերն են հրապարակված: 1988-1994 թվականների իրադարձությունների խորը վերլուծությունը ցույց է տալիս, որ Ադրբեջանը հետևողականորեն կիրառելով հայկական պատմական տարածքների բռնազավթման և ցեղասպանական քաղաքականություն, բռնությամբ տեղահանելով հայ բնակչությանն իր բնօրրանից՝ տիրացել է Արցախի մեծ մասին: Թեմայի արդիականությունը պայմանավորված է այն հանգամանքով, որ հայ-ադրբեջանական հակամարտությունը դեռևս գտնվում է կարգավորման փուլում, և չնայած որ թշնամուն հաջողվել է զավթել պատմական Արցախի մեծ մասը, այնուամենայնիվ շարունակում է վարել իր ռազմատենչ քաղաքականությունը Արցախն ամբողջությամբ իրեն ենթարկելու համար:

**Աշխատանքի նպատակն ու խնդիրները:** Աշխատանքի նպատակն է ներկայացնել 1988-1994 թվականներին Արցախում ազատագրական պայքարի պատմությունը, վեր հանել ինքնապաշտպանական ջոկատների և կազմակերպված բանակի զինված պայքարի հերոսական դրվագները, ներկայացնել իրադրությունը Լեռնային Ղարաբաղում՝ լուսաբանել ներքին և արտաքին խնդիրները, ցույց տալ գոյամարտի արդյունքներն ու հետևանքները:

Աշխատանքում առաջադրվել են հետևյալ **խնդիրները.**

- Ներկայացնել արցախյան հարցի ծագումն ու հիմնախնդիրները:
- Վեր հանել Արցախյան շարժման պատճառները:
- Ներկայացնել 1991-1994 թվականների ընթացքում ծավալված ռազմական գործողությունները:
- Ներկայացնել առաջին արցախա-ադրբեջանական պատերազմի ավարտը և զինադադարի կնքումը:

## ԳԼՈՒԽ ԱՌԱՋԻՆ

### ԱՐՑԱԽՅԱՆ ՀԱՐՑԻ ԾԱԳՈՒՄԸ ԵՎ ՀԻՄՆԱԽՆԴԻՐՆԵՐԸ

#### 1.1. Արցախյան հարցի ծագումը

ԽՍՀՄ գոյության վերջին տարիներին նրա տարածքում առաջացան մի քանի հատուկ պետական կազմավորումներ՝ Լեռնային Ղարաբաղ, Հարավային Օսիա, Աբխազիա և Մերձդնեստր, բայց մի բան մնում է ընդհանուր՝ նրանք բոլորն իրենց անկախությունը նվաճեցին ռազմական ճանապարհով: Եվ քանի որ Միության տարածքում բռնկված տեղական պատերազմների շարքում առաջինը Ղարաբաղն էր:

Լեռնային Ղարաբաղի տարածաշրջանը զբաղեցնում է Փոքր Կովկասի արևելյան և հարավարևելյան լեռնային և նախալեռնային շրջանները, որը կազմում է Հայկական լեռնաշխարհի հյուսիսարևելյան մասը:

1917թ. դեկտեմբերին Ռուսաստանում բոլշևիկյան հեղաշրջումից հետո, Ղարաբաղում գործող տարբեր կուսակցությունների ներկայացուցիչներ կազմավորեցին Միջկուսակցական բյուրո, որի վրա դրվեց երկրամասի կառավարման պարտականությունները. այն, փաստորեն, Ղարաբաղի կառավարությունն էր և կարելի է եզրակացնել, որ 1917թ. վերջին Լեռնային Ղարաբաղի տարածքում արդեն կար հայկական պետական կազմավորում մինչև 1918թ. մայիսի 28-ի՝ Հայաստանի անկախության հռչակումը: 1918թ. սկզբից Լեռնային Ղարաբաղի հայությունը ստիպված էր դիմագրավել իրեն մի քանի անգամ գերազանցող թաթարական հրոսակների հարձակումներին<sup>1</sup>:

1918-1920թթ. ընթացքում Լեռնային Ղարաբաղում թուրք-ադրբեջանական զորքերը ոչնչացրեցին տասնյակ գյուղեր և Շուշի քաղաքը: 1920թ. մարտի 23-ին թշնամին կողոպտեց և այրեց երկրամասի մայրաքաղաք Շուշին: Ջոհվեց ավելի քան 20 հազ. հայ, իսկ քաղաքի հայկական թաղամասն ամբողջությամբ ավերվեց: Ոճրագործություններ եղան նաև Բաքվում, որի արդյունքում սպանվեց քաղաքի ավելի քան 50 հազ. հայ: Պատերազմի դադարեցման նպատակով քայքայված Հայաստանի Հանրապետությունը համաձայնեց վիճելի ճանաչել Լեռնային Ղարաբաղի կարգավիճակը: 1920թ. դեկտեմբերի 1-ին Նարիման Նարիմանովի կողմից Հայաստանում Խորհրդային իշխանության հաստատման հանդիսավոր նիստում նրա հայտարարության մեջ ասվում է. «Դաշնակցականների գերիշխանության շրջանը արյունալի, ազգամիջյան սպանդի ժամանակաշրջան է, որի ընթացքում հայ և մահմեդական ժողովուրդները արյուն էին թափում և մահանում: Մուսավաթի և Դաշնակցության կառավարությունները, ժողովուրդներին վաճառելով Անտանտին վերածվեցին կույր գործիքի վերջինների ձեռքում, և նրանց իմպերիալիստական ցանկությունների մեջ մի ժողովրդին հանեցին մյուսի դեմ՝ ստեղծելով Ղարաբաղ, Զանգեզուր, Նախիջևան և այլ տարածքային հարցեր, որոնք հնարավոր չէր լուծել Դաշնակցություն-Մուսավաթ կառավարությունների ջանքերով:

<sup>1</sup> Гаджиев К.С., Большая игра на Кавевзе. Вчерашнее, сегодня, завтра, Москва 2010, стр. 78.

Երկու հարյուրամյա հարևան ժողովուրդներ. հայեր և մահմեդականներ, Լեռնային Ղարաբաղի աշխատավոր գյուղացիությանը տրվում է ինքնորոշման լիակատար իրավունք, կասեցվում են բոլոր ռազմական գործողությունները Չանգեզուրում, և Խորհրդային Ադրբեջանի զորքերը դուրս են բերվում»<sup>2</sup>:

Սակայն Ռուսաստանի բոլշևիկները Հայաստանը խորհրդայնացնելուց հետո յուրօրինակ ձևով որոշեցին Լեռնային Ղարաբաղի հետագա ճակատագիրը:

1921թ. հուլիսի 4-ի Կովկասյան բյուրոյի պլենումի նիստում քննարկվում էր Ղարաբաղի հարցը:

Որոշում կայացվեց. Հաշվի առնելով այն փաստը, որ Ղարաբաղի հարցը լուրջ անհամաձայնություն առաջացրեց, ՌԿԿ Կենտկոմի կովկասյան բյուրոն անհրաժեշտ է համարում այն փոխանցել ՌԿԿ Կենտկոմի վերջնական որոշմանը: Արդեն 1921թ. հուլիսի 5-ին ՌԿԿ Կենտկոմի Կովկասյան բյուրոյի պլենումի նիստում կրկին քննարկվեց Լեռնային Ղարաբաղի հարցը և բոլշևիկները Կոմունիստական կուսակցության կոմիտեի Կովկասյան բյուրոյի (ՌԿ(բ)Կ Կովբյուրո) իրավաբանորեն հիմնադրվող որոշումով Լեռնային Ղարաբաղը մտցրեցին Ադրբեջանական ԽՍՀ կազմի մեջ՝ ելնելով մահմեդականների և հայերի ազգային խաղաղության անհրաժեշտությունից և վերին և ստորին Ղարաբաղի տնտեսական կապերից, նրա մշտական կապերը Ադրբեջանի հետ, Լեռնային Ղարաբաղը թողնել Ադրբեջանի կազմում՝ տալով նրան տարածաշրջանային լայն ինքնավարություն Շուշի կենտրոնով:

1923թ. երկրամասի տարածքում կազմավորվեց Լեռնային Ղարաբաղի Ինքնավար Մարզ: Ղարաբաղյան հիմնախնդիրն այսպիսով ոչ թե լուծվեց այլ «սառեցվեց» 70 տարով<sup>3</sup>:

## 1.2. Արցախյան շարժման սկզբնավորումը:

1980-ական թվականներին ԽՍՀՄ-ը տնտեսական ու քաղաքական խոր ճգնաժամի մեջ հայտնվեց: 1985թ. ԽՄԿԿ կենտկոմի գլխավոր քարտուղար Միխայիլ Գորբաչովը փորձեց սոցիալ-տնտեսական մի շարք բարեփոխումների միջոցով երկիրը դուրս բերել այդ ծանր վիճակից և կանխել նրա հետագա քայքայումը: Սակայն ԽՍՀՄ-ի կազմի մեջ գտնվող ժողովուրդների ազգամիջյան թշնամանքը թույլ չտվեց պահպանել Խորհրդային Միությունը:

Փետրվարի 15-ին Հաղթութում տեղի ունեցած շրջանային համընդհանուր ցույցը շրջկոմի բյուրոյից պահանջում է դիմել ԽՄԿԿ կենտկոմ և պահանջել ԼՂԻՄ-ը դուրս բերել Ադրբեջանի կազմից և վերամիավորել Հայաստանի հետ: Համանման ցույցեր էին տեղի ունենում մաս մարզի մյուս շրջաններում:

1988թ. փետրվարի 20-ի երեկոյան Ստեփանակերտի Լենինի անվան հրապարակում և նրան հարակից փողոցներում հավաքված արցախցիների թիվը հասել էր ավելի քան 50 հազարի: Նրանք բոլորը սպասում էին նստաշրջանի որոշմանը:

<sup>2</sup> Тарасов С. Н., Мифы о Карабахском конфликте. Сборник статей, Москва, 2014, стр. 20.

<sup>3</sup> Перестройка и национальные отношения. О событиях в Нагорном Карабахе и вокруг него, <file:///C:/Users/COMPLUX/pdf>

Ի վերջո նստաշրջանն ընդունում է հետևյալ պատմական որոշումը. «ԼՂԻՄ-ը Ադրբեջանական ԽՍՀ-ի կազմից Հայկական ԽՍՀ-ի կազմ հանձնելու համար Ադրբեջանական ԽՍՀ և Հայկական ԽՍՀ Գերագույն խորհուրդների առջև միջնորդելու մասին»՝ նստաշրջանը որոշում է. Ընդառաջելով ԼՂԻՄ-ի աշխատավորների ցանկություններին՝ խնդրել Ադրբեջանական ԽՍՀ Գերագույն խորհրդին և Հայկական ԽՍՀ Գերագույն խորհրդին խորն ըմբռնման զգացում դրսևորել Լեռնային Ղարաբաղի հայ բնակչության իղձերին և լուծել ԼՂԻՄ-ը Ադրբեջանական ԽՍՀ կազմից Հայկական ԽՍՀ-ի կազմ հանձնելու հարցը, միաժամանակ միջնորդել ԽՍՀՄ Գերագույն խորհրդի առջև ԼՂԻՄ-ն Ադրբեջանական ԽՍՀ կազմից Հայկական ԽՍՀ կազմ հանձնելու հարցի դրական լուծման համար»<sup>4</sup>:

Ի պատասխան արցախցիների օրինական խնդրանքի՝ ԽՄԿԿ կենտկոմը փետրվարի 21-ին որոշում ընդունեց «Լեռնային Ղարաբաղի իրադարձությունների մասին», որում ԼՂԻՄ մարզխորհրդի որոշումը բնութագրվեց որպես մի խումբ «անջատողականների» գործողության արդյունք:

### 1.3. Շարժման վերաճումը համազգային պայքարի

1988թ. փետրվարի կեսերից Երևանում ամեն օր հանրահավաքներ էին տեղի ունենում: Առավել բազմամարդ հավաք տեղի ունեցավ 1988թ. փետրվարի 22-ին: Ղարաբաղյան շարժումը ղեկավարելու և կազմակերպված հունի մեջ դնելու համար անհրաժեշտ էր ստեղծել ղեկավար մարմին: Նույն զիջերը ձևավորվեց «Ղարաբաղի պաշտպանության կոմիտեն», որը կարճ անվանվեց «Ղարաբաղ կոմիտե»: Կոմիտեի առաջին կազմի մեջ մտան Իգոր Մուրադյանը (տնտեսագետ), Վաչե Սարուխանյանը (թատերական գործիչ), Գագիկ Սաֆարյանը (մանկավարժ), և ուրիշներ: փետրվարի 25-26-ին, Երևանում ցուցարարների թիվը հասել էր աննախադեպ չափերի: Այն օրերին, երբ արցախահայությունը փորձում էր իր պայքարը շարունակել խաղաղ, քաղաքակիրթ ձևերով, Ադրբեջանում գերադասեցին նրանց դեմ պայքարել բիրտ ուժով և ահաբեկչությամբ: Դրա վառ օրինակը եղավ 1988թ. փետրվարի 27-29-ը Բաքվից 25 կմ հեռավորության վրա գտնվող 220 հազ. բնակչություն ունեցող Մումգայիթ քաղաքում ապրող 18 հազար հայերի նկատմամբ իրագործված եղեռնագործությունը:

Ադրբեջանցի որոշ հեղինակներ պնդում են, թե Մումգայիթում հայերի սպանությունները կատարել են Կապանից իբր արտաքսված ադրբեջանցիները: Այնուամենայնիվ դատական պատասխանատվության ենթարկված ավելի քան 80 ադրբեջանցիներից և ոչ մեկը չի եղել կապանցի:

Փետրվարի վերջին երեք օրերին Մումգայիթում կազմակերպված հայկական ջարդերի հետևանքով, պաշտոնական տվյալների համաձայն, սպանվում են 29 հայ և 6 ադրբեջանցի, քաղաքի 18 հազար հայությունը դառնում է փախստական<sup>5</sup>:

<sup>4</sup> Перестройка и национальные отношения. О событиях в Нагорном Карабахе и вокруг него, <file:///C:/Users/COMPLUX/pdf>

<sup>5</sup> Մերոբյան Ս., Մումգայիթյան ողբերգությունը խորհրդային պարբերական մամուլում 1988թ մարտ ամսին, <https://artsakhlib.am/wp-content/uploads/2018/10/Serobyan-Susanna-Sumgayityan-voxbergutyun.pdf>

1988թ. փետրվարյան իրադարձություններից և սումգայիթյան ողբերգությունից հետո Լեռնային Ղարաբաղում վիճակը խիստ լարված էր: 66 հոգի հավաքվելով «Սովետական Ղարաբաղ» թերթի խմբագրության դահլիճում՝ ընտրում են 11 հոգուց բաղկացած խորհուրդ, որին տրվում է «Կռունկ» անունը: Մարտի 8-ին «Կռունկ»-ի խորհուրդը որոշեց՝ Ռոբերտ Քոչարյանի գլխավորությամբ, յոթ հոգուց բաղկացած պատվիրակություն ուղարկել Մոսկվա: Սակայն Մոսկվայից պատվիրակությունը վերադառնում է անարդյունք:

«Ղարաբաղ» կոմիտեի և «Կռունկ»-ի արգելումը մեծ բողոք առաջ բերեց ոչ միայն Հայաստանում և Արցախում, այլև ամբողջ Խորհրդային Միությունում և սփյուռքահայության շրջանում<sup>6</sup>:

1988թ. վերջերից ղարաբաղյան շարժումը մտավ պայքարի նոր փուլ և ընդգրկեց ժողովրդական զանգվածների ավելի լայն շրջան: Մ. Գորբաչովի հրավերով ԼՂԻՄ կուսմարզկոմի առաջին քարտուղար Հ.Պողոսյանը հունիսի 9-ին մեկնում է Մոսկվա: Մ.Գորբաչովի հետ հանդիպմանը մասնակցում էին նաև Ադրբեջանի և Հայաստանի կոմկուսների կենտկոմների առաջին քարտուղաները: Հանդիպման ժամանակ Մ. Գորբաչովը Հայաստանի և Ադրբեջանի կոմկուսների կենտկոմների առաջին քարտուղարներին հանձնարարել էր իրենց հանրապետությունների Գերագույն խորհուրդներում քննարկել ԼՂԻՄ մարզխորհրդի 1988թ-ի փետրվարի 20-ի որոշումը և ընդունել համապատասխան որոշումներ: Ադրբեջանական ԽՍՀ Գերագույն Խորհրդի նախագահությունը հունիսի 13-ին քննարկելով հարցը՝ որոշում է, որ իբր այն հակասում է «հայ և ադրբեջանցի ժողովուրդների շահերին» և չի համապատասխանում «մեր երկրի բոլոր ժողովուրդների բարեկամության ամրապնդմանը, վերակառուցման խնդիրներին»<sup>7</sup>: Իսկ մինչ այդ՝ հունիսի 15-ին, Հայկական ԽՍՀ Գերագույն խորհրդի նստաշրջանը համաձայնություն էր տվել ԼՂԻՄ-ը ընդունել Հայկական ԽՍՀ կազմի մեջ:

Ի վերջո, 1988թ. հուլիսի 18-ին ԽՍՀՄ Գերագույն խորհրդի նախագահության նիստը, որոշեց, որ «անհնար է համարում Հայկական ԽՍՀ-ի և Ադրբեջանական ԽՍՀ-ի սահմանների և սահմանադրության հիման վրա հաստատված նրանց ազգային-տարածքային բաժանման փոփոխումը»<sup>8</sup>:

<sup>6</sup> Աբրահամյան Հ. Բ., Կռունկ, Ստեփանակերտ, 2013, էջ 34:

<sup>7</sup> Վասիլյան Ս., Հատուկ կառավարման կոմիտեի գործունեությունը և արցախյան հիմնախնդիրը. <http://kantegh.asj-oa.am/1105/1/125-136.pdf>

<sup>8</sup> Ազիզբեկյան Ռ., Արցախյան շարժման սկզբնավորումն ու ծավալումը 1988փետրվար-նոյեմբեր, [http://lraber.asj-oa.am/144/1/2005-2\(42\).pdf](http://lraber.asj-oa.am/144/1/2005-2(42).pdf)

## ԳԼՈՒԽ ԵՐԿՐՈՐԴ

### ՌԱԶՄԱԿԱՆ ԳԵՐԾՈՂՈՒԹՅՈՒՆՆԵՐԸ 1988-1994

#### ԹՎԱԿԱՆՆԵՐԻՆ

##### 2.1. Զինված ընդհարումներից մինչև անկախացում /1990թ.մայիս-1991թ. սեպտեմբեր/

Միխայիլ Գորբաչովի՝ 1989թ. հունվարի 12-ի որոշումով, ԽՍՀՄ-ում առաջին անգամ մտցվում է կառավարման հատուկ ձև՝ ուղղակի կառավարում Մոսկվայից: Իրավական առումով, պահպանելով Լեոնային Ղարաբաղի՝ Ադրբեջանի կազմում ինքնավար մարզի կարգավիճակը, ձևավորվում է Հատուկ կառավարման կոմիտե(ՀԿԿ), որը ենթարկվում էր ԽՍՀՄ պետական իշխանության: ՀԿԿ նախագահ է նշանակվում Արկատի Վոլսկին, ով մինչ այդ Կրեմլի հատուկ ներկայացուցիչն էր Լեոնային Ղարաբաղում:

ՀԿԿ-ի կազմավորումով Ադրբեջանը զրկվեց Լեոնային Ղարաբաղի ուղղակի կառավարումից:

1989թ. Հունիսի 17-ին «Ղարաբաղ» կոմիտեն հռչակել էր Հայոց համազգային շարժում(ՀՀՇ) հասարակական միության ստեղծումը «դրանով իսկ կազմակերպչական ձև տալով մեկուկես տարի առաջ ողջ հայության շրջանում ընդունված ազգային շարժմանը»: Օգոստոսի 19-ին «Ղարաբաղ» կոմիտեն հրապարակում է ՀՀՇ-ի ծրագիրը, որում, մասնավորապես, ասվում էր. «Հայ ժողովուրդն իր ազգային ծրագրերն իրագործելիս պետք է ապավինի իր ուժերին, հույս չդնի ուրիշի հովանավորության վրա: Մեր շարժումն ուղղված չէ որևէ ժողովրդի դեմ: Մեր սկզբունքն է՝ խաղաղ ու համերաշխ ապրել հարևան բոլոր ժողովուրդների հետ: Բայց մենք համոզված ենք, որ խաղաղությունն ու համերաշխությունն ամուր են լինում միայն այն դեպքում, երբ հիմնվում են արդարության վրա, երբ չեն ոտնահարվում որևէ ժողովրդի իրավունքները...»<sup>9</sup>:

Վոլսկու կոմիտեն գնալով թուլանում էր, իսկ դրան զուգահեռ Ստեփանակերտում հիմնադրվում է «Միացում» շարժումը, որը գլխավորում էր Ռոբերտ Քոչարյանը: Օգոստոսի 16-ին Լեոնային Ղարաբաղում ստեղծվում է նոր մարմին՝ Ազգային խորհուրդ՝ նախագահությամբ ԽՍՀՄ ժողպատգամավոր, Մարտունու շրջկոմի առաջին քարտուղար Վաչագան Գրիգորյանի, տեղակալներ՝ Ստեփանակերտի քաղկոմի առաջին քարտուղար Վալերի Աթաջանյանի և ՀԿԿ անդամ Վլադիմիր Թովմասյանի:

Ազգային խորհուրդն իր առջև խնդիր էր դրել իրագործել 1988թ. փետրվարի 20-ի որոշումը: Օգոստոսի 27-ին Ադրբեջանի Գերագույն Խորհրդի նախագահությունը Ազգային խորհուրդը ճանաչում է անօրինական: Մոսկվայի կենտրոնական իշխանությունները ևս չողջունեցին նոր մարմնի ստեղծումը՝ հասկանալով, որ Լեոնային Ղարաբաղում հաստատվում է երկիշխանություն:

<sup>9</sup> «Խորհրդային Ղարաբաղ» թիվ 187, 19.08.1989 <http://www.nkr.am/hy/karabakh-in-soviet-period>



Նոյեմբերի 28-ին ԽՍՀՄ Գերագույն խորհուրդը նախագահ Գորբաչովի ստորագրությամբ ընդունում է «ԼՂԻՄ-ում իրադրությունը բնականոն դարձնելու միջոցառումների» որոշում, որով Հատուկ կառավարության կոմիտեն լուծարվում է<sup>10</sup>:

Այս քայլով բնականաբար Մոսկվան նպատակ ունեւր Ղարաբաղում վերականգնել Բաքվի լիազորությունները: Ուստի, ստեղծվում է Կազմկոմիտե, որի ղեկավար է նշանակվում Ադրբեջանի կոմկուսի երկրորդ քարտուղար Վիկտոր Պոլյանիչկոն:

Դեկտեմբերի 1-ին Հայկական ԽՍՀ Գերագույն խորհուրդը և Լեռնային Ղարաբաղի Ազգային խորհուրդը համատեղ նիստում Հայաստանի և Լեռնային Ղարաբաղի վերամիավորման որոշում են ընդունում: Շարժման իններորդ ամսում արդեն Ստեփանակերտում տարերայնորեն ծնունդ առան առաջին ընդհատակյա ինքնապաշտպանական ջոկատները: Մինչ այդ Ադրբեջանի ղեկավարների ցուցումով առգրավվել էին երկրամասի բնակչության մի զգալի մասի մոտ գտնվող որսորդական հրացանները: Հակակարկտային հրանոթները հաշված ժամերի ընթացքում տեղափոխվել էին Ադրբեջանի տարածք:

1989թ. նոյեմբերի 27-ին Գետաշեն գյուղում տեղի է ունենում Գետաշենի ենթաշրջանի հայության առաջի համագումարը, որին մասնակցում են Գետաշեն, Մարտունաշեն, Ազատ, Կամո գյուղերից ընտրված 300 պատգամավորներ: Համագումարն ընդունում է որոշում՝ «ստեղծել Գետաշենի ենթաշրջանի Գետաշեն, Մարտունաշեն, Ազատ, Կամո գյուղերից հայ ազգաբնակչության Ազգային խորհուրդ և այն ճանաչել որպես տարածաշրջանի իշխանության և կառավարման միակ մարմին, որի որոշումների կատարումը պարտադիր է ենթաշրջանի ողջ բնակչության համար, Գետաշենի ենթաշրջանի Գետաշեն, Մարտունաշեն, Ազատ, Կամո գյուղերը դուրս բերել Ադրբեջանական ՍՍՀ Խանլարի շրջանի վարչատարածքային ենթակայությունից և միացնել հարևան Շահումյանի գյուղական համայնքին»<sup>11</sup>:

Մի քանի ամսվա ընթացքում Գետաշենի ենթաշրջանը Շահումյանի շրջանին միացնող Կուշչի Արմավիր գյուղը ադրբեջանականացվելու հետքևանքով Գետաշենի ենթաշրջանն իսպառ կտրվեց Շահումյանի շրջանից, իսկ 1991թ. հունվարի 12-20-ը Բաքվում, Շահումյանի և Խանլարի շրջաններում, Գետաշեն, Կամո, Ազատ գյուղերում ստեղծվեց արտակարգ դրություն՝ վանդալիզմի բացահայտ դրսևորումներով:

Սումգայիթյան ջարդերից հետո հայերի նկատմամբ բռնություններ և սպանություններ տեղի ունեցավ նաև Բաքվում: 1990 թվականի հունվարի 13-ին բազմահազարանոց հանրահավաքից հետո ամբոխը խմբերի բաժանված, նախանշված հասցեներով, ներխուժել է հայերի բնակարանները և սկսել ծեծ ու մարդկանց դուրս նետել պատուհաններից, սպանել երկաթե ձողերով ու դանակներով, բռնաբարել կանանց, շատերին ողջակիզել:

<sup>10</sup> Վասիլյան Ս., Հատուկ կառավարման կոմիտեի գործունեությունը և արցախյան հիմնախնդիրը. <http://kantegh-asj-oa.am/1105/1/125-136.pdf>

<sup>11</sup> Միլայան Բ., Զիլինգարյան Ռ., Գետաշեն, Երևան, 2007, էջ 327:

Հայ բնակչությունից խլել են դրամը, արժեքավոր իրերը, խնայքանկի գրքույկները, բնակարանների փաստաթղթերը: Ջարդերը շարունակվել են վեց օր: 1990 թվականի հունվարի 13-19-ի ջարդերից հետո Բաքուն հայաթափվել է (շուրջ 250 հազար հայ):

1990 թվականի մարտի 29-ին կայացել է ԽՍՀՄ գլխավոր խորհրդի փակ նիստ՝ Բաքվում կատարված դեպքերի առնչությամբ: Փոխադարձ համաձայնությամբ՝ հանձնաժողով չի ստեղծվել, իսկ հայերի ջարդերը մատնվել են մոռացության:

1990թ. սկզբից ՀՅԴ-ը սկսում է Հայաստանի և Արցախ-Ղարաբաղի տարածքում զինված պայքարի նախապատրաստական աշխատանքները: Դրությունը սրվում է, երբ 1991թ. հունվարի 14-ին Ադրբեջանի ղեկավարությունը որոշում ընդունեց ԼՂԻՄ-ին հարակից հայկական Շահումյանի շրջանը և Գետաշենի ենթաշրջանը միացնել ադրբեջանական Կասում-Իսմայիլովի շրջանին՝ ստեղծելով նոր Գերանբոյի շրջան՝ վերջնականապես վերացնելով Շահումյանի շրջանի անվանումը: Նախօրոք մշակված «Օղակ» ռազմական գործողությունն սկսվեց ապրիլի 29-ի լույս 30-ի գիշերը լայնատարած հարձակումով: Սկզբից նեթ հրետանին նշանառության տակ առավ Մարտունաշենը, որտեղ Սիմոն Աչիբգյոզյանի ղեկավարությամբ ազատամարտիկների ջոկատներ փորձում դիմադրություն կազմակերպել<sup>12</sup>: Սակայն զոհեր ու վիրավորներ տալով նահանջեց: Այդ ընթացքում ՕՄՕՆ-ականները գյուղի մատույցներից աստիճանաբար խորանում են դեպի կենտրոն: Ստեղծված իրավիճակում Թաթուլ Կրպեյանը հարմար պահը որսալով ցատկում է զրահամեքենայի վրա և օձիքից քարշ տալով դուրս է հանում 8 հոգու, այդ թվում՝ ավագ լեյտենանտ Ֆեոդորովին: Նա սպառնում է պայթեցնել իրեն բանակայինների հետ միասին, եթե չկատարվեն իր բոլոր պահանջները. կապ հաստատել հրամանատարության հետ, դադարեցնել հարձակումն ու սպանությունները, ՕՄՕՆ-ը հանել գյուղի տարածքից: Ի վերջո Կրպեյանի սպառնալիքների ներքո սպան զինաթափման հրաման է տալիս: Ժամը 13:00-ին գործողության հրամանատարությունը նահանջի հրաման արձակեց: Մայիսի 1-8-ին Գետաշեն և Մարտունաշեն գյուղերի բնակիչները, նախ կանայք, երեխաները և տարեցները, ռազմական ուղղաթիռներով տեղափոխվեցին Ստեփանակերտ, մեկ շաբաթ անց ինքնաթիռներով և ուղղաթիռներով՝ Իջևան, այնուհետև՝ տղամարդիկ զինվորականների ուղեկցությամբ տեղափոխվեցին Կիրովաբադ, ապա՝ ավտոբուսներով դեպի ՀՀ սահմանը՝ Շամշադինի շրջանի Բերդ ավան: 1988 թվականից մինչև 1991թ. ապրիլի վերջն իր վրա վերցնելով թշնամու բոլոր հարվածները, թույլ չտրվեց, որպեսզի թշնամին ներխուժի Արցախ-ԼՂԻՄ, քանի որ գետաշենցիների և Հայաստանից մեկնած մի քանի ջոկատներով կազմակերպված ինքնապաշտպանությամբ փակված էր դեպի Արցախ «դարպասը»<sup>13</sup>:

## 2.2. Լեռնային Ղարաբաղի անկախության հռչակումը: Պատերազմի սկիզբը:

1991թ.-ի Օգոստոսի 30-ին Մութալիբովը հռչակեց Ադրբեջանի անկախությունը, սեպտեմբերի 14-ին ինքնափլուզվեց Ադրբեջանի կոմունիստական կուսակցությունը,

<sup>12</sup> Բարսեղյան Ի., Ինքնապաշտպանական մարտերը Հյուսիսային Արցախի Գետաշենի ենթաշրջանում /1988-1991 թթ. մայիս/, Երևան, 2015, էջ 11:

<sup>13</sup> Կրիվոպուսկով Վ., Խռովահույզ Ղարաբաղ, Երևան, 2008, էջ 210:

բայց նախկին ղեկավարությունը մնաց իշխանության գլուխ: Սեպտեմբերի 8-ին Մութալիբովին ընտրեցին Ադրբեջանի նախագահ:

Հայաստանում 1991թ.-ի սեպտեմբերի 21-ին նախատեսած հանրաքվեն անկախության մասին դարձավ ձևական, քանի որ Հայաստանի բնակչության 95 տոկոսը քվեարկեց «Այո՛»: Երեք շաբաթ անց՝ հոկտեմբերի 16-ին, ձայների մեծամասնությամբ նախագահ ընտրվեց Լևոն Տեր-Պետրոսյանը:

Հայաստանի իշխանությունները շրջանցելով միջազգային մակարդակի քննադատության փաստը, Արցախը հայտարարեցին «անկախ» և հետևաբար անենթակա Երևանին: 1991թ.-ի սեպտեմբերի 2-ին, Ադրբեջանի անկախության հռչակումից հետո, ԼՂԻՄ տարածքային խորհուրդը Ստեփանակերտում հռչակվեց նոր Լեռնային Ղարաբաղը անկախ պետություն: 1991թ. դեկտեմբերի 10-ին ԼՂՀ-ում անցկացվեց համաժողովրդական հանրաքվե: Լեռնային Ղարաբաղի ադրբեջանցիները բոյկոտում են հանրաքվեն, թեև նրանք ներառված էին ցուցակներում: Դեկտեմբերի 28-ին տեղի են ունենում խորհրդարանական ընտրություններ, մեծամասնական ընտրակարգով ձևավորվում է 75 հոգանոց Գերագույն Խորհուրդ: Ընտրություններում հաղթեց ՀՅԴ կուսակցությունը: Նորընտիր ազգային ժողովի խոսնակ և փաստացի տարածաշրջանի ղեկավար ընտրվեց երիտասարդ պատմաբան Արթուր Մկրտչյանը, ով հանդիսանում էր «Դաշնակցություն» ազգային կուսակցության անդամ, որը վատ հարաբերությունների մեջ էր Հայաստանի նախագահ Լևոն Տեր-Պետրոսյանի հետ<sup>14</sup>:

1992թ. հունվարին Լեռնային Ղարաբաղի Գերագույն խորհրդի նախագահ Արթուր Մկրտչյանը Արկաղի Տեր-Թադևոսյանին նշանակում է ինքնապաշտպանական ուժերի հրամանատար, ով նա կազմակերպեց Տոդ գյուղի գրավումը նույն տարվա հոկտեմբերի 30-31-ին:

Ղարաբաղյան ուժերը դեկտեմբերի 14-15-ին Վլադիմիր Բալայանի և Աշոտ Ղուլյանի հրամանատարությամբ գրավում են կրակակետի վերածված, Ստեփանակերտը շրջապատող ադրբեջանական բնակավայրերից Ջամիլուն: Դեկտեմբերի 23-ին Ժիրայր Սեֆիլյանի և Վլադիմիր Բալայանի, ինչպես նաև շրջակա գյուղերի ինքնապաշտպանական ջոկատներն ավելի քան վեց ժամ տևած մարտում գրավում են Ասկերանի ադրբեջանական մեկ այլ՝ Լեանոյ գյուղը, ոչնչացնում հակառակորդի կրակակետերը: Ադրբեջանական ուժերն առաջին լուրջ կորուստներն են կրում՝ տալով շուրջ 100 սպանված:

Լեանոյից հետո ադրբեջանական երկրորդ լուրջ պարտությունը արձանագրվեց Քարինտակում: Ադրբեջանցիները Քարինտակը անվանում էին Դաշալթը, հետագայում «Գանլը դարա», թարգմանաբար՝ արյան կիրճ: Մոտ 700 բնակիչ ունեցող գյուղը գրավելու երեք փորձ է եղել: 1992թ. հունվարի 26-ին վերջին փորձի ընթացքում, ադրբեջանական ջոկատները ջախջախվեցին Քարինտակի մոտ՝ Շուշիի ձորում: Հունվարի 26-ի մարտում գյուղը տվեց 22 զոհ, որից 12-ը՝ տեղացիներ, մյուս 10-ը՝ հարևան գյու-

<sup>14</sup> Հարությունյան Մ., Քարինտակի հերոսամարտի ռազմագիտական տեսանկյուններն ըստ ադրբեջանական աղբյուրների, Ստեփանակերտ, 2020, էջ 4:

դերից օգնության եկած տղաներ էին: Աղբբեջանցիները սովեցին տասնյակ զոհեր և վիրավորներ:

Ապա Աղբբեջանի պաշտպանության նախարար Թաջեդդին Մեհտիևը փորձեց Քարինտակը գրավել Շուշիից: Նրա ջոկատն ընկավ ծուղակի մեջ, սպանվեցին մոտ 70 զինվորներ, որոնցից շատերը՝ փախուստի ժամանակ: Այդ ջախջախիչ պարտությունից հետո Մեհտիևը լքեց Շուշին և ազատվեց պաշտոնից:

Փետրվարի 9-11-ը դարաբաղյան ուժերը վերահսկողության տակ էին վերցրել Մալիբեյլուն և Շուշիի շրջանի Ղուշչիլար գյուղերը, փետրվարի 17-ին՝ Մարտունու Ղարադաղլուն, իսկ մի քանի օր անց՝ Վերին Վեյսալուն: Աղբբեջանական կողմը պատասխանում էր՝ հիմնականում Ստեփանակերտի վրա արկեր նետելով: Փետրվարի 16-23-ն ընկած օրերին Շուշիի և Խոջալույի դիրքերից անդադար ուժահարվում էր Լեռնային Ղարաբաղի մայրաքաղաքը, ավերվում է մոտ 50 շենք, սպանվում և վիրավորվում են մի քանի տասնյակ խաղաղ բնակիչներ:

Ուստի ինքնապաշտպանության շտաբը խնդիր դրեց վերջնականապես ճեղքել շրջափակումը, ինչի իրականացման համար անհրաժեշտ էր չեզոքացնել Ասկերանի շրջկենտրոն տանող մայրուղու վրա գտնվող Խոջալուի պլացդարմը: Այս արգելքի հաղթահարումը հնարավորություն կտար ԼՂ ինքնապաշտպանական ջոկատներին՝ վերահաստատվել երկրամասի գլխավոր մուտքի բարձունքներում, ապահովելով մայրաքաղաք տանող հիմնական մայրուղու անվտանգությունը:

1992թ. փետրվարի 15-ին ԼՂ ինքնապաշտպանության մարտական ջոկատները, հարմար դիրքեր գրավելով Խոջալուի արևմտյան ցածրադիր բլրաշարի երկարությամբ, աղբբեջանական զորամիավորումներից պահանջեցին առանց մարտի, անվտանգ միջանցքով թողնել երկրամասի տարածքը, հանգրվանել Ադդամ քաղաքի տարածքում:

Խոջալուն ռազմական հենակետ էր, որտեղից ուժահարվում էին Ստեփանակերտն ու հայկական մյուս բնակավայրերը: Բնակավայրը գրավելու գործողությունը մշակել և ղեկավարել էր Արկադի Տեր-Թադևոսյանը: Ղարաբաղյան ստորաբաժանումները Խոջալու պետք է մտնեին 4 ուղղություններով, առաջին՝ Մեհտիշենից, երկրորդ՝ Նորագյուղից, երրորդ՝ Քաթուկից, չորրորդ՝ օդանավակայանի մերձակայքից: Կառկառ գետի երկայնքով միջանցք էր թողնվել, որպեսզի հեռանան խաղաղ բնակիչներն ու աղբբեջանցի զինվորները<sup>15</sup>:

Խոջալուի կրակակետերը լռեցնելու համար ԼՂՀ ռազմական ուժերը որոշեցին առաջին հերթին հսկողության տակ վերցնել օդանավակայանը:

1992թ. փետրվարի 25-ի լույս 26-ի գիշերը հայկական ջոկատները Աշոտ Ղուլյանի (Բեկոր) գլխավորությամբ հասան առաջավոր դիրքերին: Փետրվարի 26-ին մի քանի ժամվա ընթացքում հայ ինքնապաշտպանական ուժերը, տալով 8 զոհ և 20 վիրավոր, լիովին ջախջախեցին Խոջալուում տեղակայված աղբբեջանական ուժերին:

<sup>15</sup> Հովսեփյան Մ., Շուշիի առանձին հրաձգային գումարտակի մարտական ուղին 1991-1994թթ., Ստեփանակերտ, 2017, էջ 2:

Վերջին հենակետի՝ հինգհարկանի շենքի գրավումով երեկոյան ժամը 16-ին ամբողջությամբ ազատագրվել էր:

Այս իրադարձություններից հետո՝ 1992թ. մարտի 16-ին, Հայաստանն ու Ադրբեջանը Թեհրանում ստորագրեցին հուշագիր՝ դարաբաղյան հակամարտության գոտում մեկ շաբաթով դադարեցնել կրակը: Մարտի 20-ին Ադդամով Ստեփանակերտ է ժամանում Մահմուդ Վայեզին, դարաբաղյան իշխանություններին ներկայացնում մեկշաբաթյա զինադադարի պայմանները: Նույն օրը կեսօրին զինադադարը մտնում է ուժի մեջ և պահպանվում ավելի քան մեկ շաբաթ:

Մարտի վերջերին իրանական միջնորդությամբ հաստատված հրադադարը խախտվում է: Շուշիից շարունակվում էր Ստեփանակերտի ուժահարումը:

Շուշիի գործողության մշակմանը դարաբաղյան հրամանատարությունը ձեռնամուխ էր եղել Խոջալուից անմիջապես հետո: Ապրիլի 28-ին որոշվեցին հարձակման հիմնական ուղղությունները: Մայիսի 4-ին պետք է գրոհը սկսվեր, սակայն անսպասելի ձյան պատճառով հետաձգվում է մի քանի օրով: Մայիսի 7-ին դարաբաղյան ուժերը գրոհը սկսեցին միանգամից չորս ուղղություններով: Գործողությունը ղեկավարել է Արկադի Տեր-Թադևոսյանը՝ Կոմանդոսը<sup>16</sup>:

Մայիսի 8-ի կեսօրին, Շուշիի պաշտպանությունը ճեղքվեց հյուսիսից և արևելքից: Ստեփանակերտի և Շոշ գյուղի ուղղությունից քաղաք մտած ազատամարտիկները կռիվներ էին մղում շուկայի շրջակայքում, այսինքն՝ քաղաքի կենտրոնական թաղամասերում: Երեկոյան ժամը 18-ին հայ մարտիկները վերջնականապես տիրացան քաղաքի կենտրոնին, ադրբեջանական զինյալների հսկողության տակ թողնելով միայն նրա հարավային հատվածը<sup>17</sup>:

Ստեղծված իրավիճակում ադրբեջանական բանակի հրամանատարությունը ձեռնամուխ էղավ հակամարտության գոտու ողջ երկայնքով մի շարք լայնածավալ ռազմական գործողությունների՝ նպատակ ունենալով հնարավորության սահմաններում դարաբաղյան ուժերի ուշադրությունը շեղել Շուշի-Լաչին ռազմաճակատային հատվածում: Մայիսի 8-ին, ժամը 15:00-ին ադրբեջանական ուղղաթիռները, ներխուժելով հանրապետության օդային տարածքը, գնդակոծության ենթարկեցին Մարտունու շրջանի Ավդուռ, Մյուրիշեն, Նորշեն և Ասկերանի շրջանի Շոշ և Քոասնի գյուղերը:

Մայիսի 8-ի ուշ երեկոյան Շուշիի երկնականարը աստիճանաբար խաղաղվեց: Չեչեն դաշտային հրամանատար Շամիլ Բասանը 90-ականներին Ղարաբաղ էր մեկնել սրբազան պատերազմի՝ ջիհադի: Նրա մոջահեդները վերջիններից են հեռացել Շուշիից: Բասանը 2000թ. հուլիսին Չեչնիայի լեռներում ադրբեջանցի լրագրողին հավաստիացնում էր, որ Շուշին շրջափակման մեջ ընկավ զուտ այն պատճառով, որ ադրբեջանական բանակում չկար կարգուկանոն և ղեկավարություն:

Ռազմական գործողության ժամանակ դարաբաղյան կողմը սվել է 58 զոհ:

<sup>16</sup> Հովսեփյան Մ., նշվ. աշխ., էջ 2:

<sup>17</sup> Գասյան Զ., 1992թ. Խոջալուի իրողությունների լուսաբանման հարցի շուրջ, Ստեփանակերտ, 2017, էջ 2:

Մինչ Ադրբեջանում տեղի էր ունենում իշխանափոխություն, դարաբաղյան ուժերն ազատագրում են Շուշիի շրջանի Բերդաձորի ենթաշրջանի հայկական գյուղերը, իսկ մայիսի 18-ին վերահսկողության տակ է առնվում Լաչինը, բացվում է ցամաքային միջանցք Հայաստանի և Լեռնային Ղարաբաղի միջև: Շուտով Գորիս-Ստեփանակերտ ճանապարհով լեռնային Ղարաբաղ են հասցվում տասնյակ տոննա մարդասիրական բեռներ: Սակայն Լաչինով պատերազմը չէր ավարտվում, այլ մտնում էր նոր փուլ:

Այս օրերին՝ 1992թ. մայիսի 15-ին Ուզբեկստանտի մայրաքաղաք Տաշքենդում, ստորագրվում է Հավաքական անվտանգության պայմանագիրը (ՀԱՊ), խորհրդային զենքը բաժանվում է ԱՊՀ երկրների միջև: Տաշքենդի համաձայնագրով Ադրբեջանին ու Հայաստանին բաժին հասավ 220-ական տանկ, 220-ական զրահամեքենա և 285-ական հրետանային համակարգ: Խորհրդային զինանոցից ինչ-որ բան հասնում է նաև Ղարաբաղին: Ստեփանակերտից 366-րդ մոտոհրաձգային գունդը դուրս բերելիս դարաբաղցիներն ընդդիմանում են:

1992թ. ապրիլի 14-ին Արթուր Մկրտչյանի՝ իր բնակարանում խորհրդավոր պայմաններում ողբերգական մահից հետո, Լեռնային Ղարաբաղի առաջնորդի պարտավորությունները ստանձնեց Գեորգի Պետրոսյանը: Հայաստանի նախագահ Տեր-Պետրոսյանի հրամանագրով ապրիլի 17-ին սուգ հայտարարվեց Հայաստանում: Առաջին անգամ երրորդ հանրապետությունում իջեցվեց պետական դրոշը:

Հարկ է նշել, որ ադրբեջանցիների դեմ պայքարից բացի, Լեռնային Ղարաբաղում կար նաև ներքին պայքար: Երեք օրերի ընթացքում՝ հունիսի 3-ից 5-ը, խորհրդարանում տեղի են ունենում մի քանի քվեարկություններ, սակայն ո՛չ Գեորգի Պետրոսյանին, ո՛չ Ռոբերտ Քոչարյանին չի հաջողվում նախագահ ընտրվելու անհրաժեշտ ձայներ ապահովել: Լեռնային Ղարաբաղում շարունակվող իշխանական պայքարն ավարտվում է Պաշտպանության պետական կոմիտեի (ՊՊԿ) ձևավորումով: ՊՊԿ-ի նախագահ է նշանակվում Ռոբերտ Քոչարյանը, ում վրա են դրվում նաև կառավարության ղեկավարի լիազորությունները: Այս քայլը բացատրվում էր Ադրբեջանի լայնածավալ ռազմական գործողություններին միասնական ճակատով դիմակայելու անհրաժեշտությամբ: ՊՊԿ-ն կազմված էր 7 անդամից: Կարեն Բաբուրյանը, ապահովում էր ՊՊԿ-ի և Գերագույն խորհրդի, իսկ Վալերի Բալայանը, ով խորհրդարանում պաշտպանության հանձնաժողովն էր ղեկավարում՝ Գերագույն խորհրդի և բանակի կապը:

Քոչարյանի առաջին տեղակալ է նշանակվում Առուշանյանը: ՊՊԿ-ի մյուս երեք անդամներն էին Սերժ Սարգսյանը՝ բանակի նախարար, Սամվել Բաբայանը՝ բանակի հրամանատար և Արմեն Իսազուլովը՝ ոստիկանության ղեկավար: Լեռնային Ղարաբաղում ՀՅԴ-ի իշխանության սահմանափակման հետ ուժեղանում էր ՊՊԿ-ի զինվորական թևը՝ ի դեմս 27-ամյա Սամվել Բաբայանի:

Իսկ Ադրբեջանում 1992թ. հունիսի 7-ին նախագահական ընտրություններում ձայների ավելի քան 60 տոկոսով նախագահ է ընտրվում Ժողձակատի առաջնորդ Աբուլֆազ Էլչիբեյը: Նախագահական ընտրություններից հինգ օր անց՝ հունիսի 12-ից

15-ն ընկած ժամանակահատվածում, ադրբեջանական զինուժը լայնածավալ գրոհով վերահսկողության տակ է առնում Ասկերանի, Շահումյանի և Մարտակերտի շուրջ մեկուկես տասնյակ բնակավայրեր, Շահումյանի ողջ շրջանը:

1992թ.-ի ամռանը և աշնանը հայկական ուժերը կենաց ու մահու կռիվ էին մղում Լեռնային Ղարաբաղի տարածքում: Ավելի քան կես տարի ռազմական գործողությունները հիմնականում ծավալվում էին Մարտակերտի շրջանի բնակավայրերում: Այս շրջանում սպանվեցին Լեռնիդ Ազգալոյանը, Աշոտ Ղուլյանը, Սամվել Շահմուրադյանը և ուրիշներ:

### **2.3. Բեկում ռազմաճակատում 1993 թվական: Պատերազմի ավարտը**

1993թ.-ը պատերազմական երեք տարիներից Ադրբեջանի համար ամենաանհաջողն էր: Մինչև փետրվարի վերջերը դարաբաղյան ուժերն ազատագրեցին Մարտակերտի շրջանի ավելի վաղ գրավված շուրջ մեկուկես տասնյակ գյուղերը: Այս օրերին դարաբաղյան ուժերը շարունակում են առաջխաղացումը և վերահսկողության տակ վերցնում ադրբեջանցիների կողմից գրավված Մարտակերտի գյուղերը: Թվում էր՝ նրանք կշարունակեին խորանալ Մարտակերտի ուղղությամբ, սակայն հակառակորդի համար անակնկալ փոխեցին ուղղությունը դեպի Քելբաջար, առանց որի գրավման չափազանց դժվար կլինեք Մարտակերտի պաշտպանությունը:

Քարվաճառի (Քելբաջար) գործողությունը սկսելուց առաջ դարաբաղյան ուժերը հակառակորդին տեղեկացնում են սպասվող գրոհի մասին: Իրենք՝ բնակիչները դա հաստատել են միջազգային կազմակերպությունների ներկայացուցիչների հետ զրույցներում: Ղարաբաղյան գորամիավորումները Քելբաջարի ղեկավարությանը երկու օր ժամանակ են տվել և պահանջել հանձնել քաղաքը: Արդեն փետրվար-մարտ ամիսներին, երբ դարաբաղյան ուժերը մեկը մյուսի հետևից ազատագրում էին Մարտակերտի գյուղերը, Քելբաջարը փաստացի շրջափակման մեջ էր: Միակ ճանապարհը՝ Քելբաջարից Միր Բաշիր և դեպի Ադրբեջանի մյուս մասերը, անցնում էր Մարտակերտի շրջանով, որն արդեն դարաբաղյան ուժերի վերահսկողության տակ էր: Մարտի 27-ից ապրիլի 5-ն ընկած ժամանակահատվածում դարաբաղյան ուժերն ամբողջությամբ վերահսկողության տակ առան Քելբաջարի շրջանը, որտեղ մոտ 60 հազ. քրդեր և ադրբեջանցիներ էին բնակվում<sup>18</sup>:

80 բնակիչներ գերվեցին, 150 զինվորներ պատանդ վերցվեցին: Նրանց տեղափոխեցին Ստեփանակերտ՝ ադրբեջանական գերության մեջ գտնվող հայերի հետ փոխանակելու նպատակով:

Քելբաջարի դեպքերով, ըստ էության, սկսվում են ադրբեջանական բանակի պարտությունները, որոնք շարունակվեցին մինչև 1994-ի մայիսյան զինադադարը:

Քելբաջարի գրավմանն առաջինը և ամենակոշտն արձագանքեց Անկարան: Ապրիլի 4-ին Թուրքիան կառավարական որոշումով փակեց Հայաստանի հետ սահմանը: Նախագահ Օզալն ապրիլի 6-ին Տաշքենդից դատապարտեց «հայերի ագրե-

<sup>18</sup> Արբահամյան Հ., Մարտնչող Արցախը 1917-2000, Գլուխ Գ/1985-2000/, Ստ., 2007, էջ 446:

սիան»՝ հիշեցնելով, որ Լեոնային Ղարաբաղի հակամարտությունն արդեն վաղուց է դուրս եկել այդ տարածքի շրջանակներից և «Ադրբեջանի դեմ Հայաստանի անսքող ագրեսիայի բնույթ ստացել»<sup>19</sup>:

Քելբաջարից հետո Ադրբեջանում անկայունություն էր. հունիսի առաջին օրերին Էլչիբեյի դեմ ապստամբում է Սուրեթ Հուսեյնովը, ում փետրվարին հեռացրել էին մարտական գործողություններում անբանիմացության մեղադրանքով: 1993թ. հունիսի 4-6-ը Գյանջան, Աղդամը, Մինգեչաուրը, Խանլարն ու Լենքորանն անցնան ապստամբների ձեռքը: Քելբաջարից ղարաբաղյան ուժերի դուրսբերումը և կրակի դադարեցումը դարձան ԵԱՀԿ-ի և ռուսական միջնորդության գլխավոր խնդիրը: Հունիսի 17-ին Ռուսաստանի միջնորդությամբ Լեոնային Ղարաբաղի և Ադրբեջանի միջև պայմանավորվածություն ձեռք բերվեց դադարեցնել հրետանային ուժերի կոնտակտները Աղդամի և Ստեփանակերտի միջև: Հունիսի 27-ին Ստեփանակերտը և Բաքուն պայմանավորվեցին մեկ շաբաթով հարձակողական գործողությունները դադարեցնել Աղդամի և Մարտակերտի շրջաններում: Մեկ օր անց, սակայն, ղարաբաղյան ուժերը գրոհով ազատագրեցին Մարտակերտը: Լեոնային Ղարաբաղի կառավարությունը հուլիսի 2-ին տարածեց հայտարարություն՝ Ադրբեջանին առաջարկելով ուղիղ բանակցություններ, հավաստիացնելով նաև քննարկել Քելբաջարից ուժերի դուրսբերման խնդիրը:

Ամռան ամիսներին Ադրբեջանը քառսի մեջ էր: Ղարաբաղյան ուժերն օգտագործեցին Ադրբեջանում ստեղծված ներքաղաքական անկայունությունը: Հուլիսի 23-ին ընկավ Աղդամը: Աղդամ քաղաքն ազատագրելու ժամանակ հայեր տվել են ընդամենը 11 գոհ, որոնցից 4-ը մահացել են ականի պայթյունից:

Հուլիսի 28-ին Ռուսաստանի միջնորդությամբ Մարտակերտի հատվածում Լեոնային Ղարաբաղի և Ադրբեջանի պաշտոնյաների միջև տեղի ունեցած չորսժամյա բանակցություններում որոշվեց մեկ շաբաթով հրադադար հաստատել:

Օգոստոսի երրորդ տասնօրյակում՝ մեկ շաբաթվա ընթացքում, Ադրբեջանը կորցրեց երեք շրջան. օգոստոսի 23-ին ղարաբաղյան ուժերը գրավեցին Ֆիզուլի քաղաքն ու շրջանի տասնյակ բնակավայրեր, երկու օր անց՝ Ջեբրայիլի շրջանն ամբողջությամբ: Չնայած Երևանի հորդորներին՝ ղարաբաղյան ուժերը ձեռնամուխ եղան Ղուբաթլուի գործողությանը:

Օգոստոսի 29-ին դուրս գալով Ղուբաթլու-Ջանգելան մայրուղի՝ ղարաբաղյան ուժերը փակեցին Խանլըղի կամուրջը, Լաչին-Մամեդբեյլի ճանապարհի խաչմերուկները: Օգոստոսի 31-ին Ադրբեջանը կորցրեց Ղուբաթլուն և շրջանի մի մասը: Ղարաբաղյան ուժերը Ջեբրայիլում տվեցին շուրջ տասնյակ, Ղուբաթլուում՝ շուրջ հիսուն գոհ: Նույն օրը Ադրբեջանի և Լեոնային Ղարաբաղի միջև համաձայնագիր ստորագրվեց կրակը 10 օրով դադարեցնելու վերաբերյալ: Տեր-Պետրոսյանը Ղարաբաղի ղեկավարությանը հորդորեց որպես բարի կամքի դրսևորում «անհապաղ հետ քաշել իր

<sup>19</sup> Արբախանյան Հ., նշվ. աշխ., էջ 446:



առաջավոր ջոկատներն ավելի վաղ ձևավորված անջատման գիծ»<sup>20</sup>: Քոչարյանն ի պատասխան Հայաստանի նախագահի դիմումի, որոշում է զինված ուժերը հետ քաշել Խոջիկ-Խանլըղ-Չերեյի գծից դեպի նախկինում զբաղեցրած դիրքերը:

Հեյդար Ալիևի իշխանության օրոք Ադրբեջանը կորցրեց հինգ շրջան՝ Ջեբրայիլը, Ղուբաթլուն, Ջանգելանը՝ ամբողջությամբ, Ադդամը և Ֆիզուլին՝ մասամբ: 1993թ. հոկտեմբերի 3-ին Ադրբեջանում կայացան նախագահական արտահերթ ընտրություններ. Հեյդար Ալիևը ստացավ ձայների անհավանական 98.8 տոկոսը:

1993թ. հոկտեմբերի դրությամբ ԼՂՀ-ից արևելք, արևմուտք և հարավ ադրբեջանի տարածքները գտնվում էին հայերի վերահսկողության տակ, բացառությամբ Ջանգելանի շրջանի, որը ևս 3 կողմից շրջափակված էր և միայն հարավային կողմով սահման կար դեպի Իրան: Հոկտեմբերի 24-ին դարաբաղյան ուժերը գրավեցին Հորադիզը, չորս օր անց՝ Մինջևանը, իսկ մինչև հոկտեմբերի 31-ը Ջանգելանի շրջանն ամբողջությամբ: Ջանգելանում դարաբաղյան ուժերը տալիս են մոտ տասը գոհ, ինչը ցույց է տալիս, որ լուրջ դիմադրություն չի եղել:

Դեկտեմբերի 11-ին Ալիևը դարաբաղյան ուժերի կողմից գրավված ադրբեջանական շրջանների ղեկավարների և զինվորական հրամանատարության հետ հանդիպման ժամանակ, որը ցուցադրվում էր հանրային ալիքով Ալիևը մեղադրանք ներկայացրեց զինվորականների հասցեին և պահանջեց բացատրել նրանց փախուստի պատճառները: Նա ցավով նշեց, որ ողջ Ջանգելանի տարածքը գրավվել է ընդամենը 27գոհով:

1994թ Հունվարի առաջին օրերին ադրբեջանական բանակը դարաբաղյան դիրքերի վրա հարձակումը շարունակեց միանգամից երեք ուղղություններով՝ հյուսիսային՝ Մարտակերտ-Քելբաջարի, արևելյան՝ Ադդամ-Մարտունիի և հարավարևելյան՝ Հորադիզի հատվածներում: Հակառակորդը հետ բերեց «Հորադիզ» երկաթուղային կայարանը:

Հունվարի առաջին շաբաթվա ընթացքում ադրբեջանական ուժերին հաջողվեց ճեղքել և մոտ 15 կմ խորությամբ և 5 կմ լայնությամբ առաջանալ հարավարևելյան՝ Հադրութի ուղղությամբ: Դրան նպաստեց Իրանի տարածքով ադրբեջանական դիվերսիոն խմբավորման անցումը դարաբաղյան ուժերի թիկունք: Հունվարի 22-ին ադրբեջանական բանակը լայնածավալ գրոհ է ձեռնարկում ռազմաճակատի ողջ երկայնքով:

Նրանք անցնում են Օմարի լեռնանցքը և անակնկալի բերում հայկական զորքերին: Հունվարի 24-ին ադրբեջանական կողմը հայտարարեց, որ Չարփիլի գյուղի մոտ շրջափակման մեջ է վերցրել և գրեթե ամբողջությամբ ջախջախել 240 հոգանոց Վանաձորի դիվիզիան:

Փետրվարի 18-ին դարաբաղյան ուժերը դուրս եկան Օմարի լեռնանցք՝ կրկին ամբողջությամբ վերահսկողության տակ առնելով Քելբաջարի շրջանը: Արցախա-ադրբեջանական պատերազմն ավարտվեց դարաբաղյան կողմի հաղթանակով: Ղա-

<sup>20</sup> Ованнисян А., Некоторые аспекты военного искусства в период арцахской войны 1993-1994гг., Ереван, 2014, стр. 2.

ընթացումը ուժերը լիովին վերահսկում էին Լեոնային Ղարաբաղը, ինչպես նաև Կուրաթյուն, Զանգեզուր, Զեբրայիլը, Ֆիզուլին, Քելբաջարը, Ադդամը:

Ընդհանուր առմամբ, 1988-1994թթ. արցախա-ադրբեջանական պատերազմին ղարաբաղյան ուժերի կորուստը կազմել է 2 հազար մարդ, իսկ ադրբեջանական կողմինը ավելի քան 25 հազ. զոհ, որոնցից հայտնի չէ, թե քանիսն են կազմել խաղաղ բնակիչները, քանիսը զինվորականները:

#### **2.4. 1994 թվականի մայիսի 12-ի զինադադարը**

Զինադադարն իր փաստաթղթային ձևակերպումը ստացավ 1994 թվականի մայիսին Ադրբեջանի պաշտպանության նախարար Մ.Մամեդովի, Հայաստանի պաշտպանության նախարար Ս.Սարգսյանի և ԼՂ Պաշտպանության բանակի հրամանատար Ս. Բաբայանի (ստորագրել են մայիսի 9 -ին 10-ին 11-ին համապատասխանաբար) կողմից ` ՌԴ պաշտպանության նախարար Պ.Գրաչովին և արտաքին գործերի նախարար Ա.Կոզիրևին ուղղված համատեղ նամակում, որտեղ նրանք հայտնեցին հակամարտող կողմերի պատրաստակամությունը` 1994 թվականի մայիսի 11-ի լույս 12-ի գիշերը դադարեցնել կրակը, ինչը և տեղի ունեցավ:

Մայիսի 16-ին Մոսկվայում բիշքեկյան պայմանագրի իրավաբանական ձևակերպման նպատակով տեղի է ունենում Սերժ Սարգսյանի, Մամեդովի Մամեդովի և Սամվել Բաբայանի հանդիպումը, որի ընթացքում քննարկվում է «1994թ. փետրվարի 18-ի արձանագրության իրականացման կարգի արձանագրությունը» փաստաթուղթը: Համաձայնագիր է ստորագրվում կրակը դադարեցնել մայիսի 17-ի ուղիղ կեսգիշերին, ինչպես նաև պատրաստվում է փաստաթուղթ, որով նախատեսվում էր ղարաբաղյան և ադրբեջանական զորքերի տարանջատում, կողմերի միջև բուֆերային գոտու ստեղծում, խաղաղարար ուժերի տեղակայում: Փաստաթուղթը ստորագրում են Պավել Գրաչովը, Սերժ Սարգսյանը և Սամվել Բաբայանը: Մամեդովը փաստաթուղթը չի ստորագրում. նրան շտապ կանչում են Բաքու: Թեպետ Ադրբեջանը հրաժարվում է ստորագրել մոսկովյան համաձայնագրի ամփոփիչ արձանագրությունը, ղարաբաղյան հակամարտության գոտում տևական հրադադարի սկիզբ է դրվում: Իրավամբ, դժվար էր հավատալ, որ Ղարաբաղում վերջապես հրադադար է հաստատվում, վերջապես կանխվում է արյունահեղությունը:

## ԵԶՐԱԿԱՑՈՒԹՅՈՒՆ

Ամփոփելով խնդրո առարկա հանդիսացող թեմայի ուսումնասիրությունը՝ կարելի է կատարել հետևյալ եզրակացությունները.

- Ղարաբաղյան հիմնախնդիրն առաջինն է ԽՍՀՄ տարածքում արյունահեղ պատերազմների վերաճած ազգամիջյան հակամարտությունների շարքում, որն առանձնանում է թե՛ իր բարդությամբ, թե՛ իր շահերի ու դիրքորոշումների հակասությամբ:
- Ադրբեջանի կողմից տասնամյակներ իրագործվող հայատյաց քաղաքականությունը վերաճեց բացահայտ ցեղասպանական գործողությունների, որը հանգեցրեց տարածաշրջանում ազգային-ազատագրական պայքարի վերելքին:
- Խոջալուում տեղի ունեցած իրադարձություններից հետո, ինչպես նաև Շուշիի ազատագրումից և Լաչինի միջանցքով Հայաստանի հետո ցամաքային կապ հաստատելուց, սրվել էր իրադրությունը Ադրբեջանի հանրապետության ներքաղաքական կյանքում:
- 1992թ. ամռանը, հակամարտության ռազմական գործողությունների սրման պայմաններում, երբ Ադրբեջանը գրանցել էր որոշակի հաջողություններ, մի նոր միջնորդական նախաձեռնությամբ հանդես եկավ Ղազախստանի նախագահ Ն. Նազարբանը: Նպատակը կրկին մեկն էր. հասնել ռազմական գործողությունների դադարեցմանը: Այստեղ էլ հարկ ենք համարում նշել, որ Նազարբանի այս նախաձեռնությունը ևս ի սկզբանե դատապարտված էր անհաջողության այն պարզ պատճառով, որ Ղազախստանի դիրքորոշումը կողմնակալ էր:
- Հիմնահարցի և հակամարտության կարգավորման գործընթացում առանձնանում է Ռուսաստանի Դաշնության դերն ու նշանակությունը: Ռուսաստանը միջնորդներից միակն էր, որ կարողացավ հասնել ռազմական գործողությունների դադարեցմանը և երկարատև զինադադարի հաստատմանը

## ԳՐԱԿԱՆՈՒԹՅԱՆ ՑԱՆԿ

- Աբրահամյան Հ. Բ., Կռունկ, Ստեփանակերտ, 2013, էջ 34:
- Աբրահամյան Հ., Մարտնչող Արցախը 1917-2000, Գլուխ Գ/1985-2000/, Ստ., 2007, էջ 446:
- Ազիզբեկյան Ռ., Արցախյան շարժման սկզբնավորումն ու ծավալումը 1988 փետրվար-նոյեմբեր, [http://raber.asj-oa.am/144/1/2005-2\(42\).pdf](http://raber.asj-oa.am/144/1/2005-2(42).pdf)
- Բարսեղյան Ի., Ինքնապաշտպանական մարտերը Հյուսիսային Արցախի Գետաշենի ենթաշրջանում/1988-1991թթ. մայիս/, Երևան, 2015, էջ 11:
- Գասյան Ջ., 1992թ. Խոջալուի իրողությունների լուսաբանման հարցի շուրջ, Ստեփանակերտ, 2017, էջ 2:
- «Խորհրդային Ղարաբաղ» թիվ 187, 19.08.1989 <http://www.nkr.am/hy/karabakh-in-soviet-period>
- Կրիվոպուսկով Վ., Խռովահույզ Ղարաբաղ, Երևան, 2008, էջ 210:
- Հարությունյան Ս., Քարինտակի հերոսամարտի ռազմագիտական տեսանկյուններն ըստ ադրբեջանական աղբյուրների, Ստեփանակերտ, 2020, էջ 4:
- Հովսեփյան Ս., Շուշիի առանձին հրաձգային գումարտակի մարտական ուղին 1991-1994թթ., Ստեփանակերտ, 2017, էջ 2:
- Սերոբյան Ս., Սումգայիթյան ողբերգությունը խորհրդային պարբերական մամուլում 1988թ մարտ ամսին, <https://artsakhlib.am/wp-content/uploads/2018/10/Serobyan-Susanna-Sumgayityan-voxbergutyun.pdf>
- Միսյան Բ., Չիլինգարյան Ռ., Գետաշեն, Երևան, 2007, էջ 327:
- Վասիլյան Ս., Հատուկ կառավարման կոմիտեի գործունեությունը և արցախյան հիմնախնդիրը. <http://kantegh.asj-oa.am/1105/1/125-136.pdf>
- Гаджиев К.С., Большая игра на Кавказе. Вчераше, сегодня, завтра, Москва 2010, стр. 78.
- Тарасов С. Н., Мифы о Карабахском конфликте. Сборник статей, Москва, 2014, стр. 20.
- Ованнисян А., Некоторые аспекты военного искусства в период арцахской войны 1993-1994гг., Ереван, 2014, стр. 2.
- Перестройка и национальные отношения. О событиях в Нагорном Карабахе и вокруг него, <file:///C:/Users/COMPLUX/.pdf>